



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput II. (a) Augustinus super epistola ad Romanos.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

In Librum III. Decretalium,

796

plura tradit Lemaistre de bonis Eccles. libr. 2.
cap. 3.

His animadversis, jam appetet verus sensus
presentis Canonis: in eo jacent P.P. Ecclesia Gal-
licanæ, ut unicuique Ecclesia unus mansus inter-
ger, id est instructus, & vestitus absque ulla ser-
vicio tributatur, id est absque tributo, videlicet
fodero, paratura, & mansionatio; quia man-
sus pro dote Ecclesiæ assignatus immunis erat à
quocunque servitio. Concil. Meldense Can. 63.
& in capitul. Heraldi Turonen. cap. 40. & in Ca-
nonibus Isaaci Lingonensis in prefatione cautum
fuit, ne cuiquam servitio obnoxius sit mansus Ec-
clesiæ; & discretus id statuerunt Carolus, &
Ludovicus lib. 5, capital. cap. 45. his verbis: De
uno manso ad Ecclesiam dato, de quo aliqui ho-
mines contra statuta sibi servitium exigunt, qui-
cunque pro hac causa accusans fuerit Comes, vel
missus, hoc quod inde substratum est, presbyteris
cum lege suæ restituere faciant. Et sanctissime qui-
demita pro pectum est, ne mansus, aut redditus
Ecclesiæ parochialium ullo onere premeren-
tur, néve ex earum dote ullum censum laici per-
cipent, qui temerè Ecclesiæ fundatores se-
piùs illum extorquent. Concil. Troslejan. can.
6. Metense can. 2. Colonense can. 4. Valentini-
can. 9. bi: Item, quia parochiales Presbyteri in-
digne à secularibus premuntur, nullaque rever-
entia sacerdotali gradni ab aliquibus servatur;
& quia possessoruncula, vel dotes basilicæ collata ir-
reverenter auferuntur, placuit, ut ipsi presbyteri
sub Episcopis, quibus adjutores sunt, maneat, &
sub matre Ecclesiæ libere, & quiete officium ecclæ-
siasticum exequantur: dotes vero à fidelibus desi-
gnatae basilicæ ad hoc, quod statutum est, ab eis
vindicentur, nullaque redhibitio census inde à quo-
libet facultati exigatur. Inde & Episcopis, & Ar-
chidiaconis prohibebatur ex hiis manis ullum ser-
vitium exigere, capitul. 5. lib. 2. ubi ita cavitur:
Ne vero Ecclesia illis commisera in restauracione, aut
luminaribus, juxta possibilitatem rerum ab illis ne-
gligantur, vestra nihilominus invigilare debet fa-
lertia, & scut alios prohibet, ne de manis ad Ec-
clesiæ luminaria datis aliquid accipiant, sic & vos,
& vestri Archidiaconi, de eisdem manis nihil ac-
cipiendo aliis exemplum præbeatis; sed potius ad
id, ad quoddam data sunt, servire concedatur, in totum,
sicut dictum est, in restauracione Ecclesiæ, &
luminaribus vestra auctoritate, & studio oedere
posse. Ex manu igitur, id est propria dote Eccle-
siæ non tenebat: Presbyter aliquod servitium do-
mino mansi, qui illum pro dote assignavit, im-
pendere, nec de decimis, & oblationibus in ipsa
Ecclesia perceptis; sed tantum spirituale, seu ecclæ-
siasticum servitium illi præstare debebat. Con-
cil. Troslejan. can. 6. ibi: Quia misericordia
magistri discipuli sumus, Presbyteris nostris humili-
tatis exempla, ac monita dare debemus, videli-
cet in quorum ditione sua consistunt Ecclesiæ, con-

gruum honorem, & obsequium impendant debi-
tum, id est spirituale, atque ecclæsiasticum; &
hoc sine ullo typho, vel contentione, vel rebellioni;
salvo namque ministerii sui iure debent se gratiosos
exhibere senioribus, & parochianis suis, de qua-
rum oblationibus vivunt, & cum debita humilitate
spiritualia eis obsequia ministrare.

Hæc de manis pro dote Ecclesiæ assignatis,
& eorum immunitate ab omni servitio temporalis;
Sed quia Ecclesiæ ultra dotem plerumque alium
mansum habebant, seu alia prædia, quæ erant
veluti dotti incrementum, nec ita in subsidium
necessitatis Ecclesiæ deserviebant mani isti, si
antequam Ecclesiæ traducerentur, tributum ex-
solabant, similiter & postea illud penderent,
ut Imperatores Carolus, & Ludovicus fanxerunt
lib. 4. Cap. cap. 37. ibi: Quicunque terram tribu-
riam, unde tributum ad partem nostram exire
solebat, vel ad Ecclesiam, vel cuique alteri
tradiderit, is qui eam suscepit, tributum, quod
inde solvebatur, omni modo ad partem nostram
persolvat, nisi forte talis firmatatem de parte
Dominica habeat, per quam ipsum tributum sibi
donatum possit offendere. Unde, in fallo, ap-
paret verus sensus presentis Canonis; in eo enim
nullo modo agunt P.P. de aliquo servito Episco-
pis, seu alii superioribus Ecclesiæsticis prestan-
do, ut volebat Primarius noster Parex in re-
petit. ad hunc texum: sed de tributo ex manu
Ecclesiæ, vel alii prædis ab eo possest solven-
do seniori, id est pristino Domino mansi, vel
Principi: & P.P. fanxerunt, sumaruntque Im-
peratores Carolus, & Ludovicus, quod unaqua-
que Ecclesia suum mansum integrum, id est in-
structum, ut supradictum, haberet, & Presby-
teri in ipsius Ecclesiæ constituti, nec de decimis
fidelium, aut oblationibus, provenientibus ex
domibus, areis, vel hortis, neque ex ipso man-
so aliquod servitium faciant temporale; sed tan-
tum ecclæsiasticum, hoc est spirituale, ut in dicto
Canone 6. Concilii Troslejan. sicut Patronos, qui
alberto sacris Ordinibus initio non potest opera-
ras temporales exigere, spirituales vero petere
valet, cap. eo libertatis, de servis non ordin. si
autem ipse Ecclesia alia prædia habent, ultra
prædictum mansum, ex his tributum, quod pen-
dere soleant Senioribus, id est Judicibus, aut
Magistris, seu Dominis illis prædis, debi-
tum servitium impendant; quia tunc prædia illa
transfeunt cum suo onere, nec similia prædia ha-
bent privilegium dotti Ecclesiæ. P.P. enim, &
Imperator privilegium hoc exemptionis con-
cesserunt mani Ecclesiæ, quia necessitas est
ad alimoniam Rectoris, & aliorum ministro-
rum Ecclesiæ, nec non ejus luminaria, & similia;
non autem alii prædis, quæ pro dote
Ecclesiæ assignata non erant, in quibus
æqualis ratio favoris, & necessitatis non vi-
gebat.

CAPUT II.

(a) Augustinus super epistola ad Romanos.

OMnis (b) anima sublimioribus (c) potestatis subdita sit. *Et infra:* Et vos subditæ
Offæ debetis. Ideo enim tributa præstatis, quia hæc est probatio subjectionis.

NOTÆ.

NOTÆ.

(a) **A**ugustinus.] Ita etiam legitur in prima collectione, sub hoc tit. cap. 2. Sed haec verba non reperiuntur inter Opera D. Augustini; extant tamen priorilla: *Omnis anima sublimioribus potestatibus subdita est*, in epistola D. Pauli ad Romanos c. 13. Illa autem: *Ex vos subditis esse debetis*, exprimit sententiam Glossæ ordinariæ, quæ ait: *Et ideo subjici*; & illa: *Ideo enim tributa prefatis*, sunt D. Pauli; tandem illa: *Quia hec est probatio subjectionis*, sunt Glossæ interlinearis; unde Compilatores textum hunc ex ipsa D. Pauli Epistola, & ejus Glossa transcripserunt.

(b) *Omnis anima.*] Id est omnis homo, ut passim in sacra pagina anima sumitur, ut Aetuum Apost. capit. 7. Accersivit Joseph patrem suum Jacob, & omnem cognitionem in animabus sepraginta quinque. Exod. cap. 1. *Omnis anima*, quæ egressa sunt de semore Jacob, Ezechielis capit. 4. *Ecce anima mea non est polluta*. Iesaiæ capit. 49. *Ad contemptibilem animam*. Et passim.

(c) *Potestatibus.*] Id est Principibus, & Magistratibus, qui potestate regendi, & imperandi possunt. Ponitur enim Abtractum pro Concreto, videlicet potestatibus, id est potestate prædictis, ut in cap. final. de iudicis.

COMMENTARIUM.

Pro hujus textus expositione sciendum est, apud Hebreos Judan Gaulianistam, seu Galilæum, cum suis lectoribus in eo errore fuisse, videlicet solum Deum esse recognoscendum tanquam Principe, & Dominum; omnes vero Principes humanos, & per consequens omne Regnum Politicum esse resplendum, ut refert Josephus libr. 18. antiquit. cap. 1. & libr. 7. de bello Iudaico, cap. 29. & 31. & tradit D. Hieronymus in epistola Pauli ad Titum, cap. 2. Quare calumniosè interrogarunt Iudei Christum Dominum nostrum, an licet tributum Cesari solvere? Ut si responderet, tributum esse solvendum, iuxta opinionem eorum infringeret legem libertatis per Moysen datum: Si autem solvendum non esse diceret, in Cesarem peccaret. Et quia Christus Dominus, & ejus Apostoli origine erant Galilæi, & simili legem, quam prædicabant, appellabant legem perfectam libertatis, Joannis cap. 8. ibi: *Si ergo vos filii liberaveritis, vere liberi eritis*; ideo Apostoli, & primi Christiani de hoc errore Gentibus suscipiti fuerunt, ut constat ex Justino Martyr. Apolog. 2. Clemente Alex. lib. 4. Strom. qui refert inter alias causas, persecutions Ecclesia hanc unam fuisse, quia videbatur per legem Evangelicam, quam audiebant esse libertatem, Regna, & Respublicas sæcularis, everti Gentiles credebant; unde Apostoli ut hanc erroris causam tollerent, saepe superius prædicarunt Principibus esse obediendum, illisque tributum solvendum, ne in odium traheretur Christiana religio, aut Christiani abutenteretur libertate fidei ad obedienciam Principibus negandam. D. Petrus Epist. 1. Canon. c. 2, ibi: *Subiecti estote omnes humana creature propter Deum, pro Regi tanquam præexcellenti*. Unde tot argumentis in praesenti epist. c. 13, ad Romanos intendit D. Paulus probare omnem hominem obediere D.D. Gonzal. in Decretal. Tom. III. Pars II.

Yyy jure

CAPUT III.

Gregorius Stephano (a) Chartulario.

Scientes magnitudinem charitatis vestræ toto Dominum corde diligere, ob hoc ea, quæ in (b) massis de jure quandam Patricii viri piæ recordationis contra præcepta Dominica, contraque Canonum regulam commissia esse didicimus, ad ejus necessitate duximus referre notitiam: quatenus hæc, quæ perpetrata sunt, corrigi debeant, & alii deinceps tentare non præsumant. Insinuatum igitur nobis est, in massa, quæ nuncupatur Marato, de Abbatे monasterii sancti (c) Georgii, quod in eadem sicut est, duos Monachos refugisse, & unum quidem ex eis jam conjugem acceperisse, alium autem laicum effectum sacerdotaliter vivere; cùm nec ex familia massa homines ipsi esse liberi afferantur: & vel si secundum conditionem debuissent agere, contra DEUM erat, ut post adeptum divini officii cultum, & sacerdotalem vitam, atque habitum remearent. Unde hortor, ut habita judicis æterni consideratione, Monachos ipsos retrudi sine dilatione faciatis, ne eorum exemplo, cùm vestro, quod abit, peccato, cæterorum monasteriorum districtio dissipetur: sed magis ut magnitudinis vestræ solatio aliis Monachis spes gerendi talia submoveatur. Afferit autem prædictus Abbas, Presbyterum prædictæ massæ novas monasterio ipsi velle imponere consuetudines, quæ ex tempore conditi monasterii per triennale tempus hactenus non fuerunt: siquidem si quid DEO illic munificentia gratiâ à fidelibus viris (d) oblatum fuerit, portionem sc̄ afferit debere percipere. Quod magnitudo vestra studeat diligenter agnoscere: & si hoc ab initio non fuit, etiam labentibus temporibus aliud noviter imponi non concedat; quia maximè exiguae substantiae, & monasterium pauperum esse didicimus, & Abbatem ipsum hospitalem omnino esse, multorum attestatione didicimus.

NOTÆ.

(a) **C**hartulario.] Valde corrupta est præsens inscriptio, tam in prima, quam in sexta compil. In prima legitur ad Stephanum Castronem; In secunda verò Stephano Cantori: sed eam, & literam textus restituo ex epistolis D. Gregorii lib. 12. indit. 7. epist. 20. Chartularius in utroque jure diversimodè accipitur: in jure Civili numerariis, actuariis, & scrinariis adjungitur in titul. Cod. de numer. actuari. chartul. à charta, vel chartula ita dicti, qui omnes rationes publicas tractabant; ideoque eorum officium in observatione rationum confitebat, l. ii. Cod. de divers. offic. l. 25. Cod. de sacrof. Eccles. De his Cujacius in l. 10. Cod. de numer. Gutherus lib. 2. de offic. dom. cap. 14. Panciro lib. i. var. cap. 27. & lib. 2. cap. 188. Jurerus ad Symmachum lib. 9. epist. 23. Buleng. lib. 4. de Imper. Rom. cap. 10. Zerda in advers. cap. 17. num. 5. Amaya in l. 3. Cod. de can. largit. notavi in cap. 8. de presump. Eriam officium Chartularii refertur à Leone, & Anthemio in dict. leg. 3. C. de canone, his verbis: Chartularios, qui de cohortalibus officiis uniuscuiusque Provincia largitionales titulos tractare constitutur. Et magni Chartularii mentio fit apud Europalatem, & Chartularii Magistrorum equitum, & peditum in l. 6. Cod. Theod. de divers. offic. notarunt Gretherus

ad Codinum lib. 1. cap. 4. Balfamon in nomecan. tit. 8. cap. 1. Lindembrog, in notis ad Paulum Vanfridum, lib. 2. de gestis Longob. cap. 1. In ecclesiastica Politia Chartularii nomen longè minoris suffe dignitatis, probat D. Rochus Pirro tom. 1. Sicil. sacr. not. 3. num. 11. Illud confitit expalenti epistola, & alius ipsius Gregorii, apud Latinos Chartulariorum de causis ecclesiasticis cognovisse, ut jam notavit Baronius anno 591.

(b) **M**assis.] Massæ nomen, & appellatio, ut apud Gallos, & Germanos recepta fuit, ita Massæ vocabulum apud Latinos usitatum. Est autem conglabatio quadam, seu collectio possessionum, ac prædiorum: cuius nominis meminit Caffodorus lib. 8. epist. 33. ubi Rex Athalaricus iuber conductores, ac possellores mansum præficere, ne rusticæ in mercatores, aliosque peregrinos insiliant, qui ad natale S. Cypriani celebrandum Lucanianam confluebant. Et Ecclesiæ Romanam varias massas habuisse, jam probavimus in cap. 2. de pacis.

(c) **G**eorgii.] Monasterium hoc S. Georgii de Tiracola, seu Troculis, est in Sicilia, à Rogerio Comite amplè ditatum, cuius fundationem & privilegia refert D. Rochus Pirro tom. 3. Sicil. sacr. fol. 61.

(d) **O**blatum fuerit.] Juxta adducta in c. 1. de statu Monach. & Commentarium hujus textus datum bimus infra in cap. prohibemus.

CAPUT